

**Y Pwyllgor ar y Gorchymyn Arfaethedig
ynghylch Darparu Gwasanaethau Iechyd
Meddwl**

**Proposed Provision of Mental Health
Services Legislative Competence Order
Committee**



Cynulliad Cenedlaethol Cymru
National Assembly for
Wales

Bae Caerdydd / Cardiff Bay
Caerdydd / Cardiff CF99 1NA

13 Mawrth 2008

Annwyl Gyfaill

Ymgynghoriad Cyhoeddus – Gwahoddiad i ymateb

**Y Pwyllgor ar y Gorchymyn Arfaethedig ynghylch Darparu Gwasanaethau Iechyd
Meddwl – Gorchymyn Cynulliad Cenedlaethol Cymru (Cymhwysedd
Deddfwriaethol) (Rhif 6) 2008 (ynghylch Darparu Gwasanaethau Iechyd Meddwl)**

Ar 26 Chwefror 2008 sefydlwyd pwyllgor gan Gynulliad Cenedlaethol Cymru i ystyried y Gorchymyn Arfaethedig ynghylch Darparu Gwasanaethau Iechyd Meddwl a rhoi adroddiad arno. Ysgrifennaf atoch felly i'ch gwahodd i gyflwyno tystiolaeth ysgrifenedig ar y Gorchymyn arfaethedig i'r pwyllgor erbyn 25 Ebrill 2008.

Pwrpas gwaith y pwyllgor yw craffu ar y canlynol:

- Egwyddorion cyffredinol y Gorchymyn arfaethedig; hynny yw, bod cymhwysedd deddfwriaethol fel y nodir ym Mater 9.[] yn cael ei roi i'r Cynulliad.
- Gweld a ydyw'r Gorchymyn arfaethedig yn darparu fframwaith priodol ar gyfer rhoi'r agenda o ran y polisi ar iechyd meddwl a gwasanaethau iechyd meddwl ar waith, a gweld, yn arbennig, a ydyw telerau'r Gorchymyn arfaethedig wedi'u diffinio'n rhy eang neu'n rhy gyfyng.

Bydd gwaith y pwyllgor yn canolbwyntio ar ystyried a ddylai'r Cynulliad gael y pŵer, mewn egwyddor, i ddeddfu drwy gyfrwng Mesur yn y maes a nodir yn y Gorchymyn arfaethedig; hynny yw, iechyd meddwl a gwasanaethau iechyd meddwl. Bydd yn osgoi bod yn rhan o drafodaethau manwl ar y Mesurau arfaethedig penodol y gellid eu cynnal yn sgil rhoddi'r cymhwysedd deddfwriaethol; er enghraifft, sylwadau sy'n ymwneud â sut y dylid gweithredu Mesurau a chyllido polisiâu. Bydd hwnnw'n fater i'r Cynulliad graffu arno maes o law.

Amgaeir copi o'r Gorchymyn arfaethedig a'r memorandwm esboniadol yn atodiad 1. Ceir fersiwn electronig o'r dogfennau hyn, ynghyd â manylion y pwyllgor, ar y tudalennau Deddfwriaeth ar wefan y Cynulliad:

<http://www.cynulliadcymru.org/bus-home/bus-legislation/bus-leg-legislative-competence-orders/bus-legislation-lco-2008-6.htm>

Hoffai'r pwyllgor gael tystiolaeth ar y canlynol yn arbennig:

1. A fyddai telerau'r Gorchymyn arfaethedig yn rhoi'r pwerau priodol i Gynulliad Cenedlaethol Cymru i ganiatáu ar gyfer rhoi'r cynigion polisi a amlinellir yn y memorandwm esboniadol ar waith?
2. A ydyw cwmpas y Gorchymyn arfaethedig yn briodol, yn rhy gyfyng neu'n rhy eang i ganiatáu i'r Cynulliad roi Mesurau gerbron er mwyn mynd i'r afael â materion y credwch y dylid mynd i'r afael â hwy drwy gyfrwng deddfwriaeth ym maes iechyd meddwl yng Nghymru? Petai angen, sut y dylid ailddrafftio'r Gorchymyn arfaethedig a pham?
3. Cynigir rhoi dyletswyddau i'r gwasanaeth iechyd i ddarparu asesiad a thriniaeth ar gyfer pobl ag anhwylder meddyliol. A ddylid cynnwys dyletswyddau ar gyrrff eraill?
4. Cyfyngir y rhannau hynny o'r Gorchymyn arfaethedig sy'n cyfeirio at asesiad a thriniaeth (paragraffau (a) a (b)) i'r gwasanaeth iechyd yng Nghymru. A fyddai hyn yn ymdrin yn briodol ag unrhyw faterion trawsffiniol?
5. O safbwynt asesu pobl a gwasanaethau eiriolaeth, mae'r mater yn berthnasol i bobl sydd, neu a allai fod ag anhwylder meddyliol. Beth yw eich sylwadau ar hyn?
6. A ydyw'n briodol i gyfyngu cymhwysedd deddfwriaethol i eithrio pobl o dan orchymyn Deddf Iechyd Meddwl 1983?
7. A ydyw'r diffiniad o 'mentally disordered persons' yn y Gorchymyn arfaethedig yn briodol? Os nad ydyw, sut y dylid ailddrafftio'r diffiniad a pham?
8. A ddylid diffinio'r term 'treatment' o fewn y mater hefyd?

Os hoffech ymateb i'r ymgynghoriad, gofynnir i chi ystyried y canlynol:

- Dylai eich ymateb fod mor gryno ag y bo modd. Defnyddiwch y pennawd uchod fel cyfeirnod i'ch ymateb.
- Fel arfer, bydd y Cynulliad Cenedlaethol yn trefnu bod ymatebion i ymgynghoriad cyhoeddus ar gael i'r cyhoedd fedru craffu arnynt, ar wefan y Cynulliad er enghraifft, a gellir eu gweld a'u trafod hefyd mewn cyfarfodydd pwyllgor. **Os nad ydych yn dymuno cael eich ymateb a'ch enw wedi'i gyhoeddi, mae'n bwysig eich bod yn nodi hynny ar ddiwedd eich cyflwyniad.**
- Gofynnir i chi nodi a ydych yn ymateb ar ran sefydliad neu fel unigolyn.
- Gofynnir i chi nodi a fydddech yn barod i roi tystiolaeth ar lafar i'r pwyllgor.

I gyflwyno tystiolaeth anfonwch e-bost neu ddisg, neu gopi papur, at Olga Lewis, Dirprwy Glerc y Pwyllgor, Y Pwyllgor ar y Gorchymyn Arfaethedig ynghylch Darparu Gwasanaethau Iechyd Meddwl, Cynulliad Cenedlaethol Cymru, Bae Caerdydd CF99 1NA. Y cyfeiriad e-bost yw: legislationoffice@wales.gsi.gov.uk. Gofynnir i chi roi'r canlynol fel pennawd i'ch e-bost: *Consultation MH LCO*.

Dylai eich cyflwyniadau gyrraedd erbyn dydd Gwener 25 Ebrill 2008 fan bellaf. Anfonir derbynneb am bob cyflwyniad. Hwyrach na fydd yn bosibl ystyried ymatebion sy'n dod i law ar ôl y dyddiad hwnnw.

Bydd y pwyllgor yn ystyried ymatebion i'r ymgynghoriad ysgrifenedig ym mis Ebrill.

Os bydd gennych unrhyw gwestiynau ynglŷn â'r ymgynghoriad, gwaith y pwyllgor neu broses ddeddfu'r Cynulliad ac ati, mae croeso i chi gysylltu â'r clerc, Anna Daniel ar 029 2089 8144, neu Olga Lewis, y dirprwy glerc, ar 029 2089 8154.

David Melding AC
Cadeirydd